

Goibekokale

ELGETA / Barikua / 2002ko apirilaren 19a / 94. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

GOITBko seinalea heldu da Elgetara; etxe guztietan ikusten da, gehigarri bat jarrita

OXEL EROSTRBE


Zaiazko telekomunikazio teknikariek GOITB herriko telebistetara eramango duen seinale zabaltzailea jarri dute dagoeneko Uruburuko teilatuan. Orain, etxe bakoitzetik gehigarri txiki bat Uruburura begira jarri behar da. Jartzeak 30-40 euroko kostua dauka.

Laster, GOITB ikusiko da Elgetan. Goienak eta Goibeko Kultura Elkarteak nahi zutena baino geroago, baina azkenean telebista Elgetaraino heldu da.

Zaiazko telekomunikazio teknikariek aste osoan jardun dute seinale zabaltzailea Uruburuko teilatuan jartzeko lanetan. GOITB ikusiko den kanala ere ia erabakita zeukaten eguaztenterako. Bergarako Aizemenditik bidaliko dute seinalea Uruburura. Sarre-rako kanala, seguruenik, 52a izango da eta irteerakoa 54a edo 50a. Kanala aukeratzerako orduan zenbait arazo izan dituzte teknikariek. Izan ere, Elgeta leku garaian kokatuta dagoenez, leku askotatik sartzeko dira frekuentziak. Edozelan ere, kanala 54a edo 50a izango dela ia ziur zeukaten eguaztenean. Kanala erabakitze-ko azken frogak egiteko asmoa zeukaten Zaiazkoko teknikariek gaur goizean.

Seinale zabaltzailea Uruburun kokatuta, hurrengo pausoa izango da etxe-antenez arduratzen den teknikariari deitzea, Uruburutik datorren seinalea hartzeko, etxebizitzako antenari gehigarri txiki bat gehitu behar zaio-eta. Gehigarri hori jartzea derrigorrezkoa izango da GOITB ikusteko. Horrez gain, eta kanalaren arabera, amplifikadore bat ere jarri beharko da. Teknikariek esan digutenez, antenaren eta amplifikadorearen kostua 30-40 euro ingurukoa izango da (5.000 pezeta). Esan bezala, GOITB ikusteko, behar-beharrezkoa izango da bi gehigarriok jartzea.

Herritarrek bazeukaten gogoia GOITB Elgetan ikusteko. Izan ere, GOITBko kamerak herrian sarritan izan diren arren, orain arte ez dugu aukerarik izan programazioa gure etxeetan ikuste-



Teknikariek astelehen arratsaldean jarri zuten Uruburuko teilatuan GOITBko seinale zabaltzailea.

Azken frogak egin ondoren, GOITBko kanala zein den erabakiko dute gaur teknikariek

GOITB ikusteko, amplifikadore eta gehigarri txiki bana jarri beharko dira etxe-antenan

Gehigarri hori edozein antena teknika-rik jarri dezake eta 30-40 euro balio du



OIHANE AGIRRE /GOITB-KO ZUZENDARIA

"Herri txikia izateak ez du esan gura albiste gutxiago izango direnik"

Laster ikusiko da GOITB Elgetan. Zer eskaintzen du GOITBk beste telebista kateekin konparatuta?

Debagoieneko berri. Gertuko da albiste ibarreko telebistan, eta hortaz, Elgetan gertatzen denak ere izango du lekua. Gainera, ibarreko komunikabide garez gero, medioa zabalik dago herritar guztiei.

Zein eratako programazioa dauka GOITBk?

Albistegiak dira Goiena Telebistako saio nagusiak, eguerdietan eta arratsaldeetan. Horrez gain, beste hamar saio ikusteko aukera dago, hainbat formatutan eta mota guztietako ikusleei zuzenduta. **Elgetak zer leku izango du GOITBn?**

Debagoieneko herriek dutena. Herri txikia izateak ez du esan gura albiste gutxi izango direnik. Herritarrek zuzenean

parte har dezakete. Elgetarrek telebistara hurreratzeko lotsa alde batera uzten duten neurrian izango da protagonista Elgeta Goiena Telebistan. **GOITB zer izango da Elgetarako?**

Elgetarrak Debagoienera hurreratzeko tresna. Aurrerantzean, egunero-egunero Debagoieneko berri izateko aukera izango dute elgetarrek.

ko. Aurrerantzean, ordea, bai ibarrean eta bai gure herrian gertatzen diren albisteen berri emango digu GOITBk. Azken esfortzua egitea geratzen da, nor bere antenan behar diren konponketak egitea, hain zuzen ere.

UDALA ETA GOIBEKO, POZIK

Udalak eta Goibeko Kultura Elkarteak balorazio positiboa egin dute GOITB Elgetara heldu dela-eta. Udaleko Kultura teknikari Eneko Gorroategik nabarmendu digunez, telebista garrantzitsua izango da ibarrean gertatzen direnak egunero jakiteko: "Telebista eskaintzen artean bat gehiago izango da, baina hori bai, hemengo. Telebista guztien helburuez gainera, beste helburu batzuk ere beteko ditu: esate baterako, eskualdeko informazioa emateak eskualdeko komunitate kontzientzia indartuko du eta, era berean, hemengo euskara erabiltzeak etxe-antena beharrezko duen prestigioa ematen lagunduko du."

Goibeko Kultura Elkarteak ere egin du balorazioa. Iban Retolazak adierazi digunez, oztopoak oztopo, azkenean garrantzitsuen da ibarreko telebista herrian ikusiko dela: "GOITB Elgetara heltzea positiboa iruditzen zait. Ibarreko sare mediatikoaren beste aukera bat da. Hemendik aurrera, Debagoiena osoko albisteak bertatik bertara jarraitzeko aukera izango dugu egunean bertan. *Goienkaria*-n, esate baterako, astean behin kaleratzen dira, eta horrela, albisteek garrantzia gaitzez aparte, guri Elgetara ez zaizkigu heltzen Oñatiko, Arrasateko, Aretxabaletako eta beste herri batzuetako berriak, oso potoloak ez badira, behintzat. Bestalde, kontuan hartzeko da Udalaren aldetik jarritako oztopo guztiak gainditzea asko kostatu dela eta zeregin horretan Goibeko Kultura Elkarteak, elgetar askok osatutako elkarteak, eragina izan duela. Horrek berorrek balio handiago ematen dio GOITB Elgetara heldu izanari."

Aurrerantzean, ibarreko berriak telebistaren bidez ere jasoko ditugu elgetarrok, eta hori da orain garrantzitsua.

KIROLA

Apirilaren 27an hasiko da aurtengo areto futbol-txapelketa

O.E.
Udaleko Kirol Zerbitzuek zabaldu dute aurtengo areto futbol-txapelketan izena emateko epea. Parte hartu nahi duten talde guztiek datorren barikura arte dute epea horretarako. Izena emateagatik 30 € ordaindu beharko ditu talde bakoitzak. Udaletxean eta 943 76 80 22 telefonoan eman daiteke izena txapelketarako.

Txapelketa apirilaren 27an hasi eta ekainaren 29an amaituko da. Laz bezala talde denak elkarren aurka behin bakarrik jokatuko dute. Amaieran, aurreneko laurek final aurrekoak jokatuko dituzte eta irabazleek finala.

Sariei dagokienean, lehenengoak garaikurra eta 180 €-ko diru saria jasoko ditu eta bigarrenak garaikurra eta 90 €-koa. Txapelketan zehar gol gehien egiten dituen jokalaria garaikurra eta 60 €-ko diru saria jasoko ditu.

TALDE GUZTIEKIN BILERA

Txapelketa hasi aurretik, izena ematen duten talde guztiekin bile-



Iaz, Vicios taldea izan zen areto futbol txapelketako irabazlea.

ra egingo du kirol teknikariak. Izan ere, txapelketa behar den bezala joan dadin talde guztiak ados jartzea derrigorrezkoa da.

Iaz, Durangoko Vicios taldea izan zen txapelketako irabazlea. Ea aurten herriko talderen batek irabazteko aukerarik dagoen.

Iraitz Lazkano Euskadiko kung-fu txapeldunen artean

Aste Santuaren atarian, martxoak 23an, Tolosako Uzturpe kiroldegian jokatuta zen kung-fuko Euskadiko txapelketan parte hartu zuen Iraitz Lazkanok. Gipuzkoako txapelketan bezala, emaitza ezin hobekak lortu zituen Iraitzek bertan.

Orokorrean Txapelketa ona egin zuen, oso nota altuak lortu zituelarik. Gainera, Gipuzkoako txapelketan bezala, Nam-Chuan eta Chang-Chuang modalitateetan lehenengo postuak lortu zituen. Lortutako emaitzekin oso pozik zegoen Iraitz. Zorionak!



Iraitz Lazkano.

Valentziaga Memoriala amaitu zuen Aranguren

Domekan afizionatu mailako lasterketa garrantzitsuenetakoa izan zen Eibarren, Valentziaga Memoriala hain zuzen.

Lasterketan 200 txirindularik hartu zuten parte eta hauen artean izan zen Xabier Aranguren elgetarra.

Eibarko helmugara iristea ehun txirindulari inguruk bakarrik lortu zuten. Xabierrek 86. postuan amaitu zuen. Helmugara iristen lehenengoa Dioni Galparsoro izan zen. Xabierrek irabazlearengandik hamabi minutu amaitu zuen lasterketa.



Xabier Aranguren.

APOSTUA

Butano betearekin Elgetatik Asentziora

O.E.
Herriko gazte talde batek apostura antolatu du zapatu goizera. Elgetan irten eta Intxortatik pasa ondoren, Asentzioraino butano bonbona betea 45 minutuan baietz eraman da apostura. Goizeko 10:00etan Abeletxen txabola parean irten eta Intxortako tontorrera igo beharko du lehenengo Etor Sarasuak 25 kiloko pisua duen butano bonbona betea. Intxortara heldu eta gero, Asentzioraino jaitsi beharko da 45 minutuan. Apostura irabazteko Elgetatik Gure Borda parera

denbora hori baino lehen heldu beharko du.

100 ETA 180 EURO BAIETZ

Hasieran apostura lagun artekoa bazen ere herri guztira zabaldu da. Izan ere, Etorren lagunek 100 eta 180 euro jokatu dituzte 45 minutuan bonbona Gure Borda pareraino eraman baietz. Apostura hauek dagoeneko onartu dira.

Goibeko Kultura Elkarteak kiniela kaleratu du. Kinielan euro bat ordainduta, Etor Asentziora zenbat denboran helduko den asmatu behar da.



Xabier Amuriza eta Mixel Ducau liburutegian

Gaur, gaueko 22:00etan Bizkaiko koplak zaharrak entzuteko aukera izango dugu liburutegian. Izan ere Xabier Amuriza bertsolaria eta Mixel Ducau abeslaria Elgetara hurbilduko dira.

Tapia eta Leturiarekin batera 1.999an argitaratu zuen Xabier Amurizak Bizkaiko koplak zaharrak batzen dituen diskoa. Azken aldian, ordea, Mixel Ducau iparraldeko abeslaria izaten du lagun zuzeneko saioetan.

Kopla zaharrak entzuteko aukera aparta izango da beraz liburutegian. /O.E.

GOIO SARASUA
Igeltserotza lanak
Tei atuak
Sukaldeak
Etxaurreak
Komunak
Otzango Behokoa Baserria
OIKINA
Tel: 943 86 01 56

Aperribay, s.l.
Marmoldegi
eta granitoak
Pagatza indus. z/g.
Tel. eta faxa: 943 78 90 21
20690 ELGETA


Jesus Mari Montiel
**ITURGINTZA
ETA BEROGAILUAK**
Artekale 3
Mo: 656783299 Eibar
Tel: 943 70 07 19
**KONPONKETAK
SUKALDE
ETA BAINUGELETAN**


TAPEM S.A.
Trokela eta estanzazioa
**TROKEL PROGRESIBOETAN
ESPEZIALDUAK**
Elorrio bide z/g 20690 Elgeta
Tel: 943 76 80 50 / 78 90 31
Faxa: 943 76 82 43

Aintzane denda

**Zugandik gertu,
behar duzun beste**
Domingo Iturbe 4, ELGETA
Tel: 943 768297

ERRETRATUZAHARRA

Bergarako
Ollo-Kale
futbol taldea

Oraingo asteko erretratuan Ollo-Kale futbol taldeko gazteak ikus ditzakezue. Erretratua 1953. urtean ateratakoa da, eta bertan agertzen direnek 18 urte inguru izango zituzten orduan.

Ollo-Kale taldekoak Masterreka ingurukoak ziren, eta Bergaran jokatzeko herriko futbol txapelketa-rako osatu zuten taldea. Xabier Larrionek esan digu hamar bat talde izaten zirela lehen Ipintzako txapelketan, eta jende asko izaten zela koadri- len arteko partiduak ikusten. Itxura denez, 1953. urtean, Acero eta Ollo-Kale taldeen arteko finala jokatu zen, eta Acero taldekoek eskuratu zuten txapelketaren kopa. Ollo Kalekoek ere bazuten zer ospatu, eta hortxe ditugu San Antonioko La Parra tabernaren ondoan, pankarta eta guzti. Hauexek agertzen dira argazkian, ezkerretik eskumara:

Zutik: ezezaguna, Jose izeneko nafarra, Kruz Mari Odriozola, Isidro Etxaniz, Jose Aranguren, Joseba



Askasibar eta Xabier Larrion.

Makurtuta: Patxi Azkarate, Antonio Azkarate, Jesus Kalboetxea, Nartxi Begiristain (ia zutik dagoena), Jose Antonio Lazpiur eta Jose Ignacio Imaz.

Argazkia: Xabier Larrion.

ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

San Joxepe
erretiratuen
elkartea

Erretiratuen egoitza 1976. urtean zabandu zuten, Boni Laskurain kalean. Aurretik, erretiratuen egoitza -Aitonak elkarte orduan- Seminarioan zegoen. 1976tik hona hainbat aldaketa egin dituzte San Joxepeko egoitzan. 92an, egoitza handitzeko lanak egin zituzten. Besteak beste, bolatoki berria eta igogailua jarri zituzten eta tabernan berrikuntzak egin zituzten.



≈ 1992

San Joxepe elkarteak, 1992. urtean. Bolatoki berria egiteko zegoen orduan. 1992ko martxoan egin zituzten berrikuntza lanak.



2002

Gaur egun, San Joxepe elkarteak 1.600 bazkide inguru ditu eta herriko erretiratuen bilgune bilakatu da. Urte osoan egoten da zabalik.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.



Zure sukaldea.


Ibargarai 36-38 BERGARA. Tel./faxa: 943 76 70 58

ARREGI AROZTEGIA





Sukaldeak
Arozlan mekanikoak
Ateak
Horma-armairuak

Tarimak eta Parketak
Neoprenozko juntadun
egurrezko leihoak
PVCzko leihoak



Tailerra Urteaga, 20. 943 76 11 73 Erakusketa Bidekurutzeta, 38. 943 76 31 03

GRUPO **RKUZ** 1950-2002



Arkauz zure etxea da.



Araba etorbidea 20 • Tel./Faxa: 943 79 23 51
ARETXABAETA



Araba Etorbidea 5 • Tel./Faxa: 943 79 41 82
ARRASATE



Mitarte 3 • Tel./Faxa: 943 77 04 55 **FAGOR**



Asuncion, 1 • Tel./Faxa: 943 79 10 97
ARETXABAETA

